

李卓吾先生批評忠義水滸傳





宋公明大戰幽州

李卓吾先生批評忠義水滸傳卷之八十七

第八十七回

宋公明大戰幽州

呼延灼力擒番將

古風

胡馬嘶風蕩塵土 旗幟翩翩雜鉦鼓 黃額番將跨
雕鞍 揮箭彎弓排隊伍 搖韁縱馬望南來 箇箇
揚威并耀武 刀誅北海赤鬚龍 劍斬南山白額虎
梁山泊內衆英雄 胸中勁氣吞長虹 一朝歸順遵
大義 誓清天下誅群兇 奉宣直抵幽燕界 累奪
城池建大功 兀顏統軍真良將 神機妙策欺飛熊
幽州城下決勝負 青草山川塵影紅 擒胡破虜容

易事 盡在功名掌握中

當時兀顏延壽將引二萬餘軍馬會合了太真駙馬李金吾二將共領三萬五千番軍整頓鎗刀弓箭一應器械完備擺布起身早有探子來幽州城裏報知宋江宋江便請軍師吳用商議遼兵累敗今次必選精兵猛將前來廝殺當以何策應之吳用道先調兵出城布下陣勢待遼兵來慢慢地挑戰他若無能自然退去宋江道軍師高論至明隨即調遣軍馬出城離城十里地名方山地勢平坦靠山傍水排下九宮八卦陣勢等候間只見遼兵分做三隊而來兀顏小將軍兵馬是皂旗太真駙馬是紅旗李金吾軍是青旗三軍齊到見宋江擺成陣勢那兀顏延壽在父親

手下曾習得陣法深知玄妙見宋江擺下九宮八卦陣勢便令青旗二軍分在左右扎下營寨自去中軍豎起雲梯看了宋兵果是九宮八卦陣勢下雲梯來冷笑不止左右副將問道將軍何故冷笑兀顏延壽道量他這箇九宮八卦陣誰不省得他將此等陣勢瞞人不過俺却驚他則箇令衆軍擣三通鼙鼓豎起將臺就臺上用兩把號旗招展左右列成陣勢已了下將臺來上馬令首將哨開陣勢親到陣前與宋江打話那小將軍怎生結束但見

戴一頂三叉如意紫金冠穿一件蜀錦團花白銀鎧足穿四縫鷹嘴抹綠靴腰繫雙環龍角黃鞵帶蚪螭吞首打將鞭霜雪裁鋒殺人劒左懸金畫寶雕弓右揔銀嵌

狼牙箭使一枝畫桿方天戟騎一疋鐵腳乘驕馬

兀顏延壽勒馬直到陣前高聲叫道你擺九宮八卦陣待要瞞誰你却識得俺的陣麼宋江聽的番將要問陣法叫軍中堅起雲梯宋江吳用朱武上雲梯觀望了遼兵陣勢三隊相連左右相顧朱武早已認得對宋江道此遼兵之陣是太乙三才陣也宋江留下吳用同朱武在將臺上自下雲梯來上馬出到陣前挺鞭直指遼將喝道量你這太乙三才陣何足爲奇兀顏小將軍道你識吾陣看俺變法教汝不識勒馬入中軍再上將臺把號旗招展變成陣勢吳用朱武在將臺上看了此乃變作河洛四象陣使人下雲梯來回復宋江知道了兀顏小將軍再出陣門橫戟問道

還識俺陣否宋江荅道此乃變出河洛四象陣那兀顏小將軍搖著頭冷笑再入陣中上將臺把號旗左招右展又變成陣勢吳用朱武在將臺上看了朱武道此乃變作循環八卦陣再使人報與宋江知道那小將軍再出陣前高聲問道還能識吾陣否宋江笑道料然只是變出循環八卦陣不足爲奇小將軍聽了心中自忖道俺這幾個陣勢都是秘傳來的不期却被此人識破宋兵之中必有人物兀顏小將軍再入陣中下馬上將臺將號旗招展左右盤旋變成箇陣勢四邊都無門路內藏八八六十四隊兵馬朱武再上雲梯看了對吳用說道此乃是武侯八陣圖藏了首尾人皆不曉便着人請宋公明到陣中上將臺看這

九宮八卦已無敵 河洛四象真堪奇 莫向陣前誇

大口 交鋒時下見危機

且說兀顏小將軍便傳將令直教太真駙馬李金吾各撥一千軍待俺打透陣勢便來策應傳令已罷衆軍搥鼓宋江也傳下將令教軍中整搥三通戰鼓門旗兩開放打陣的小將入來那兀顏延壽帶本部下二十來員牙將一千披甲馬軍用手搥筭當日屬火不從正南离位上來帶了軍馬轉過右邊從西方兌位上蕩開白旗殺入陣內後面的被弓箭手射住止有一半軍馬入的去其餘都回本陣却說小將軍走到陣裡便逢中軍只見中間白蕩蕩如銀牆鐵壁團團圍住小將軍那兀顏延壽見了驚的面如土

色心中暗想陣裡那得這等城子便教四邊且打通舊路要殺出陣來衆軍回頭看時白茫茫如銀海相似滿地只聽的水響不見路徑小將軍甚慌引軍殺投南門來只見千團火塊萬縷紅霞就地而滾並不見一箇軍馬小將軍那里敢出南門剗斜里殺投東門來只見帶葉樹木連枝山柴交橫塞滿地下兩邊都是鹿角無路可進却轉過北門來又見黑氣遮天烏雲蔽日伸手不見掌如黑暗地獄相似那兀顏小將軍在陣內四門無路可出心中疑道此必是宋江行持妖法休問怎生只就這里死撞出去衆軍得令齊聲納喊殺將出去傍邊撞出一員大將高聲喝道孺子小將走那里去兀顏小將軍欲待來戰措手不及腦

門上早飛下一鞭來那小將軍眼明手快便把方天戟來攔住只聽得雙鞭齊下早把戟桿折做兩段急待掙扎被那將軍撲入懷內輕舒猿臂欸扭狼腰把這兀顏小將軍活捉過去攔住後軍都喝下馬來衆軍黑天摸地不辨東西只得下馬受降拿住小將軍的不是別人正是虎軍大將雙鞭呼延灼當時公孫勝在中軍作法見報捉了小將軍便收了法術陣中仍復如舊青天白日且說太真駙馬并李金吾將軍各引兵一千只等陣中消息便要來策應却不想不見些動靜不敢殺過來宋江出到陣前高聲喝道你那兩軍不降更待何時兀顏小將已被吾生擒在此喝令群刀手簇出陣前李金吾見了一騎馬一條鎗直趕

過來要救兀顏延壽却有霹靂火秦明正當前部飛起狼牙棍直取李金吾二馬相交軍器並舉兩軍齊聲納喊李金吾先自心中慌了手段緩急差遲被秦明當頭一棍連盛透頂打的粉碎李金吾攔下馬來大真駙馬見李金吾輸了引軍便回宋江催兵掩殺遼兵大敗遼走奪得戰馬三千餘匹旗旛劍戟棄滿山川宋江引兵逕望燕京進發直欲長驅席捲以復王封有詩爲証

矢心直欲退強兵 力殫機危竟不成 生捉兩員英
勇將 敗軍殘卒遼遼城

却說遼兵敗殘人馬迤回遼國見了兀顏統軍俱說小將軍去打宋兵陣勢被他活捉去了其餘牙將盡皆歸降李

金吾亦被他那里一箇秦明一棍打死軍卒四散逃走不知下落太真駢馬逃的性命不知去向兀顏統軍聽了大驚便道吾兒自小習學陣法頗知玄妙宋江那厮把甚陣勢捉了吾兒左右道只是箇九宮八卦陣勢又無甚希奇俺這小將軍布了四箇陣勢都被那蠻子識破了臨了對俺小將軍說道你識我九宮八卦陣你敢來打麼俺小將軍便領了千百騎馬軍從西門打將入去被他強弓硬弩射住只有一半人馬能勾入去不知怎生被他生擒活捉了兀顏統軍道量這箇九宮八卦陣有甚難打必是被他變了陣勢衆軍道俺們在將臺上望見他陣中隊伍不動旗幟不改只見上面一派黑雲罩定陣中兀顏統軍道恁

的必是妖術吾不起軍這廝也來若不取勝吾當自刎誰敢與吾作前部先鋒引兵前去俺驅大隊隨後便來帳前轉過二將齊出某等兩箇愿爲前部一箇是大遼番官瓊妖納延一箇是燕京番將姓寇雙名鎮遠兀顏統軍大喜便道你兩個小心在意與吾引一萬軍兵作前部先鋒逢山開路遇水疊橋吾引大軍隨後便到且不說瓊寇二將起身作先鋒開路却說兀顏統軍隨即整點本部下十一曜大將二十八宿將軍盡數出征先說那十一曜大將

太陽星御弟大王耶律得重引兵五千

太陰星天壽公主荅里孛引女兵五千

羅睺星皇姪耶律得榮引雄兵三千

計都星皇姪耶律得華引雄兵三千

紫炁星皇姪耶律得忠引雄兵三千

月孛星皇姪耶律得信引雄兵三千

東方青帝木星大將只兒拂郎引兵三千

西方太白金星大將烏利可安引兵三千

南方熒惑火星大將洞仙文榮引兵三千

北方玄武水星大將曲利出清引兵三千

中央鎮星土星上將都統軍兀顏光總領各飛兵馬

首將五千鎮守中壇

兀顏統軍再點部下那二十八宿將軍

角木蛟孫忠亢金龍張起氏土貉劉仁

房日兔謝武心月狐裴直尾火虎顧永興
箕水豹賈茂斗木獬蕭大觀牛金牛薛雄
土女蝠俞得成虛日鼠徐威危月燕李益
室火猪祖興壁水獬成珠那海奎木狼郭永昌
婁金狗阿哩義胃土雉高彪昂日雞順受高
畢月烏國永泰紫火猴潘異參水猿周豹
井木犴童里合鬼金羊王景柳土獐雷春
星日馬卞君保張月鹿李復翼火蛇狄聖
軫水蚓班古兒

那兀顏光整點就十一曜大將二十八宿將軍引起大隊
軍馬精兵二十餘萬傾國而起奉請大遼國主御駕親征

且不說兀顏統軍興起大隊之師捲地而來再說先鋒瓊
寇二將引一萬人馬逢山開路先來進兵早有細作報與
宋江這場廝殺不小宋江聽了大驚傳下將令一面教取
盧俊義部下盡數軍馬一面又取檀州薊州舊有人員都
來聽調就請趙樞密前來監戰再要水軍頭目將帶水手
人員盡數登岸都到霸州取齊陸路進發水軍頭領護持
趙樞密在後而來應有軍馬盡到幽州宋江等接見趙樞
密取參拜已罷趙樞密道將軍如此勞神國之柱石名傳萬
載不泯之德也下官回朝於天子前必當重保宋江荅道
無能小將不足掛齒上托天子洪福齊天下賴元帥虎威
偶成小功非人能也今有探細人報來就裡聞知遼國兀

顏統軍起二十萬軍馬傾國而來興亡勝敗決此一戰特請樞相另立營寨於十五里外屯札看宋江盡忠竭力施犬馬之勞與衆弟兄併力向前決此一戰托天子盛德早得取勝以報朝廷趙樞密道將軍善觀方便孫子有云多注是通達了笑勝少笑不勝善加謀畧事事皆宜仔細宋江遂辭了趙樞密與同盧俊義引起大兵轉過幽州地面所屬永清縣界把軍馬屯扎下了營寨聚集諸將頭領上帳同坐商議軍情大事宋江道今次兀顏統軍親引遼兵傾國而來決非小可死生勝負在此一戰汝等衆兄弟皆宜努力向前勿生退悔但得微功上達朝廷天子恩賞必當共享並無獨善之理衆皆起身都道兄長之命誰敢不依盡心竭力

當報大恩正商議間小校來報有遼國使人下戰書來宋江教喚至帳下將書呈上宋江折書看了乃是遼國兀顏統軍帳前先鋒使瓊寇二將軍充前部兵馬早探來日決戰宋江就批書尾回示來日決戰叫與來使酒食放回本寨來日天明准決勝負此時秋盡冬來軍披重鎧馬掛皮甲盡皆得時次日五更造飯平明拔寨盡數起行不到四五里宋兵早與遼兵相迎遙望阜鵬旗影裡閃出兩員先鋒旗號來戰鼓喧天門旗開處那個瓊先鋒當先出馬怎生打扮但見

頭戴魚尾捲雲鎧鐵冠披掛龍鱗傲霜嵌縫鎧身穿石榴紅錦綉羅袍腰繫荔枝七寶黃金帶足穿抹綠鷹嘴

金線靴。腰懸鍊銀竹節熟鋼鞭。左插硬弓。右懸長箭。馬跨越嶺。巴山獸鎗。拈翻江攪海龍。

當下那個瓊妖納延。橫鎗躍馬。立在陣前。宋江在門旗下。看了瓊先鋒如此英雄。便問誰與此將交戰。當下九紋龍史進。提刀躍馬出來。與瓊將軍挑戰。二騎戰馬相交。兩般軍器。並舉鞍上人。聞人坐下。馬聞馬刀來。鎗去。花一團鎗來。刀去。錦一簇。四條臂膊亂縱橫。八隻馬蹄擦亂走。史進與瓊妖納延。聞到二三十合。史進氣力不加。撥回馬望本陣。便走瓊先鋒。縱馬趕來。宋江陣上。小李廣花榮。正在宋江背後。見輸了史進。便拈起弓搭箭。把馬挨出陣前。覷的來馬交近。颼的只一箭正中。瓊先鋒面門。翻身落馬。史

進。聽。的。背。後。墜。馬。霍。地。回。身。復。上。一。刀。結。果。了。瓊。妖。納。延。
可。憐。能。敵。番。官。到。此。清。還。喪。命。那。寇。先。鋒。望。見。砍。了。瓊。先。
鋒。怒。從。心。上。起。惡。向。膽。邊。生。躍。馬。挺。鎗。直。出。陣。前。高。聲。大。
罵。賊。將。怎。敢。暗。笑。吾。兄。當。有。病。尉。遲。孫。立。飛。馬。直。出。逕。來。
遶。寇。鎮。遠。軍。中。戰。鼓。喧。天。耳。畔。喊。聲。不。絕。那。孫。立。的。金。鎗。
神。出。鬼。沒。寇。先。鋒。見。了。先。自。八。分。膽。喪。聞。不。過。二。十。餘。合。
寇。先。鋒。勒。回。馬。便。走。不。敢。回。陣。恐。怕。撞。動。了。陣。脚。遶。陣。東。
比。而。走。孫。立。正。要。建。功。那。里。肯。放。縱。馬。趕。去。寇。先。鋒。去。的。
遠。了。孫。立。在。馬。上。帶。住。鎗。左。手。拈。弓。右。手。取。箭。搭。上。箭。棧。
滿。弓。覷。着。寇。先。鋒。後。心。較。親。只。一。箭。那。寇。將。軍。聽。的。弓。弦。
響。把。身。一。倒。那。枝。箭。却。好。射。到。順。手。只。一。綽。綽。了。那。枝。箭。


孫立見了暗暗地喝采。寇先鋒冷笑道：「這廝賣弄弓箭，便把那枝箭咬在口裡，自把鎗帶住了事。環上急把左手取出硬弓，右手箭搭上弦，紐過身來，望孫立前心窩裡一箭射來。孫立早已偷眼見了，在馬上左來右去，那枝箭到胸前，把身望後便倒。那枝箭從身上飛過去了。這馬收勒不住，只顧跑來。寇先鋒把弓穿在臂上，紐回身，且看孫立倒。在馬上，寇先鋒想道：「必是中了箭，原來孫立兩腿有力，夾住寶鏝，倒在馬上，故作如此，却不墜下馬來。」寇先鋒勒轉馬，要來捉孫立。兩箇馬頭却好相迎着，隔不的丈尺來去。孫立却跳將起來，大喝一聲：「不恁地拿你！你須走了。」寇先鋒吃了一驚，便回道：「你只躲的，我箭須躲不的。」我盼望孫

立胸前盡力一鎗搠來。孫立挺起胸脯受他一鎗。鎗尖到甲冑側一側。那鎗從肋羅裡放將過去。那寇將軍却撲入懷裡來。孫立就手提起腕上虎眼鋼鞭向那寇先鋒腦袋上飛將下來。削去了半箇天靈骨。那寇將軍在鎮遠做了半世番官。死於孫立之手。屍骸落于馬前。孫立提鎗回來。陣前宋江大縱三軍掩殺過對陣來。遼兵無主。東西亂竄。各自逃生。宋江正趕之間。聽的前面連珠砲響。宋江便教水軍頭領先當住一枝軍卒人馬。把住水口。差花榮秦明呂方郭盛騎馬上山頂望時。只見該該攘攘番軍人馬蓋地而來。嚇的宋江三魂蕩蕩。七魄悠悠。正是饒君便有張良計。到底難逃白虎危。畢竟來的大隊番軍是何處人馬。

且聽下回分解

卓吾曰描畫瓊妖納延史進花榮寇鎮遠孫立弓馬刀
劍處委曲次第變化玲瓏是丹青上手若聞陣法處則
村俗不可言矣

顏統軍陣列澤天像





宋公明夢授玄女法

李卓吾先生批評忠義水滸傳卷之八十八

第八十八回

顏統軍陣列混天像

宋公明夢授玄女法

古風

牟角風旋天地黑 黃沙漠漠雲陰溢 大遼兵發山
岳摧 萬里乾坤皆失色 皂鵬旗展烏雲飛 沙柳
箭發流星馳 連環駿馬起風急 虎臂強弓踏地追
千池荷葉青毡笠 鉄甲鋪兵映寒日 朱纓棍擺豹
狼牙 寶雕弓挽烏龍脊 胡笳共賀天山歌 鼓聲
振起白駱駝 番王左右持鉞斧 統軍前後橫金戈
瀚海風翻動人馬 乳酪香飄宴君罷 海青放起鴻

具骨之
乎者也
真是不
虛也

鴈愁 豹子鳴時神鬼怕 番奴平掩貂鼠袍 健兒

戲舞魚腹刀 十萬番兵耀英武 虎筋弦勁悲聲號

幽州城下人兵攘 連珠砲發轟天響 神兵飛下九

天來 四野茫茫萬人仰

當時宋江在高阜處看了遼兵勢大慌忙回馬來到本陣
且教將軍馬退回永濟縣山口屯札便就帳中與盧俊義
吳用公孫勝等商議道今日雖是贏了他一陣損了他兩
箇先鋒我上高阜處觀望遼兵其勢浩大漫天遍地而來
此乃是大隊番軍人馬來日必用與他大戰交鋒恐寡不
敵衆如之奈何吳用道兵微將寡古之善用兵者能使寡
敵衆斯爲美矣昔晉謝玄五萬人馬戰退苻堅百萬雄兵

似此寡能敵衆者多矣先鋒何爲懼哉可傳令與三軍衆
將來日務要旗幟嚴整弓箭上弦刀劒出鞘深栽鹿角警
守營寨濠塹齊軍器並施整頓雲梯砲石之類預先伺
候還只擺九宮八卦陣勢如若他來打陣依次而起從他
有百萬之衆安敢衝突宋江道軍師言之甚妙隨即傳令
已畢各將三軍盡皆聽令五更造飯平明拔寨都起前抵
昌平縣界卽將軍馬擺開陣勢扎下營寨前面擺列馬軍
還是虎軍大將秦明在前呼延灼在後關勝居左林冲居
右東南索超東北徐寧西南董平西北楊志宋江守領中
軍其餘衆將各依舊職後面步軍另作一處做一陣在後
盧俊義魯智深武松三箇爲主數萬之中都是能征慣戰

之將箇箇磨拳擦掌准備廝殺陣勢已完專候番軍來及
良久遙望遼兵遠遠而來前面六隊番軍人馬又號哨路
又號壓陣番兵六隊每隊各有五百左設三隊右設三隊
循環往來其勢不定前看遼兵次後大隊蓋地來時前軍
盡是皂纛旗一代有七座旗門每門有千疋馬各有一員
大將怎生打扮頭頂黑盔身披玄甲上穿皂袍坐騎烏馬
手中一般軍器正按北方斗牛女虛危室壁七門之內總
設一員把總大將按上界北方玄武水星怎生打扮頭披
青絲細髮黃林額繫束烏雲身穿禿袖皂袍銀壓鎧半兜
冷氣御蠻帶繫扣烏油甲錦雕鞍穩跨烏騅馬掛一副走
獸飛魚沙柳硬弓長箭擎一口三尖兩刃四楞八環刀乃

是番將曲利出清引三千披髮黑甲人馬按北辰五炁星
君皂旗下軍兵不計其數正是凍雲截斷東方日黑氣平
吞北海風有詩爲証

兵披北方玄武象 黑旗黑鎧黑刀鎗 烏雲影裡玄
冥降 凜凜威風不可當

左軍盡是青龍旗一代也有七座旗門每門有千疋馬各
有一員大將怎生打扮頭戴四縫盔身披柳葉甲上穿翠
色袍下坐青驤馬手拿一般軍器正按東方角亢氐房心
尾箕七門之內總設一員把總大將按上界東方蒼龍木
星怎生打扮頭戴獅子盔身披狻猊鎧堆翠繡青袍纓金
碧玉帶坐雕鞍腰懸弓箭踏寶轡鷹嘴花靴手中月斧金

得一條
不誤事
不誤事
不誤事

絲桿身坐龍駒玉塊青乃是番將只兒拂郎引三千青色
寶旛人馬按東震九炁星君青旗下左右圍繞軍兵不計
其數正似翠色點開黃道路青霞截斷紫雲根有詩爲証
青龍驅陣下天曹 青蓋青旗青戰袍 共向山前呈
武勇 堂堂殺氣拂雲霄

右軍盡是白虎旗一代也有七座旗門每門有千匹馬各
有一員大將怎生打扮頭帶水磨盔身披爛銀鎧上穿素
羅袍坐騎雪白馬各拿伏手軍器正按西方奎婁胃鼎畢
觜參七門之內總設一員把總大將按上界西方咸池金
星怎生打扮頭頂兜鍪鳳翅盔身披花銀雙鉤甲腰間玉
帶迸寒光稱體素袍飛雪練騎一疋照夜玉俊猊馬使一

枝純鋼銀棗棚乃是番將烏利可安引三千白纓素旗人馬按西允七炁星君白旗下前後護禦軍兵不計其數正似征駝捲盡陰山雪番將斜披玉井冰有詩爲証

太白分兵下九天 白雲光擁素袍鮮 巨靈翺海人難敵 擾得蒼龍夜不眠

後軍盡是緋紅旗一代亦有七座旗門每門有千疋馬各有一員大將怎生打扮頭戴鎖箱朱紅漆笠身披猩猩血染征袍桃紅鎖甲現魚鱗衝陣龍駒名赤兔各搭伏手軍器正按南方井鬼柳星張翼軫七門之內總設一員把總大將按上界南方朱雀火星怎生打扮頭頂着絳冠朱纓綵爛身穿緋紅袍茜色光輝甲披一片紅霞靴刺數條花

結教處
少傳
法文化之

縫腰間寶帶紅鞵臂掛硬弓長箭手持八尺火龍刀坐騎
一疋胭脂馬乃是番將洞仙文榮引三千紅羅寶幡人馬
按南离三炁星君紅旗下朱纓絳衣軍兵不計其數正似
离宮走却六丁神霹靂震開三昧火有詩爲證

祝融飛令下南宮 十萬貔貅烈火紅 閃閃赤雲瀾
澗谷 陣前誰敢去當鋒

陣前左有一隊五千猛兵人馬盡是金縷弁冠鍍金銅甲
緋袍朱纓火焰紅旗絳鞍赤馬簇擁着一員大將頭戴簇
芙蓉如意縷金冠身披結連環獸面璫子黃金甲猩紅烈
火繡花袍碧玉嵌金七寶帶使兩口日月雙刀騎一疋五
名赤馬乃是遼國御弟大王耶律得重正按上界太陽星

君正似金烏擁出扶桑國火傘初離東海洋有詩爲証

海神英武出扶桑 耶律提兵準太陽 雄畧嘉謀播

遼國 源源兵陣遠鷹揚

陣前右設一隊五千女兵人馬盡是銀花卉冠銀鈎鎖甲
素袍素纓白旗白馬銀桿刀鎗簇擁着一員女將頭上鳳
釵對插青絲紅羅抹額亂鋪珠翠雲肩巧襯錦裙繡襖深
籠銀甲小小花靴金鞵穩翹翹翠袖玉鞭輕使一口七星
寶劍騎一疋銀驄白馬乃是遼國天壽公主荅里孛按上
界太陰星君正似玉兔團團離海角冰輪皎皎照瑤臺有
詩爲証

貌似春烟籠芍藥 顏如秋水浸芙蓉 玉纖輕擲龍

泉劍

到處交兵占上風

怎麼說

兩隊陣中團團一遭盡是黃旗簇簇軍將盡騎黃馬都被金甲襯甲袍起一片黃雲繡包巾散半天黃霧黃軍隊中有軍馬大將四員各領兵三千分於四角每角上一員大將團團守護東南一員大將青袍金甲三叉金冠獸面束帶全副弓箭青纓寶鎗坐騎粉青馬立於陣前按上界羅喉星君乃是遼國皇姪耶律得榮西南一員大將紫袍銀甲寶冠束帶便弓長箭使一口寶刀坐騎海驪馬立於陣前按上界計都星君乃是遼國皇姪耶律得華東北一員大將綠袍銀甲紫冠寶帶腰懸龍弓鳳箭手執方天畫戟坐騎五明黃馬立於陣前按上界紫炁星君乃是遼國皇

任耶律得忠西北一員大將白袍銅甲紅抹額青絲亂撒
金縷帶七寶絛成腰懸雕箭畫弓手使七星寶劍坐騎踢
雪烏騅馬立於陣前按上界月孛星君乃是遼國皇侄耶
律得信黃軍陣內簇擁着那員上將按上界中央鎮星左
有執青旗右有持白旗前有擎朱旛後有張皂蓋週迴旗
號按二十四氣六十四卦南辰北斗飛龍飛虎飛熊飛豹
明分陰陽左右暗合旋璣玉衡乾坤混沌之象那員上將
怎生打扮頭戴七寶紫金冠耀日黃金龜背甲西川蜀錦
綉征袍藍田美玉玲瓏帶左懸金畫鉄胎弓右帶鳳翎鉞
子箭足穿鷹嘴雲根靴坐騎鉄脊銀驥馬錦雕鞍穩踏金
鞵紫絲韁牢絳山鞵腰間掛劍驅番將手內揮鞭統大軍

馬前一將擎着朱紅畫桿方天戟這簇軍馬光輝四邊渾
如金色按中官土星一炁天君乃是大遼國都統軍大元
帥兀顏光上將軍黃旗之後中軍是鳳輦龍車前後左右
七重釧戟鎗刀圍繞九重之內又有三十六對黃巾力士
推捧車駕前有九騎金鞍駿馬駕轅後有八對錦衣力士
隨陣輦上中間坐着大遼郎主頭戴衝天唐巾身穿九龍
黃袍腰繫藍田玉帶足穿朱履朝靴左右兩箇大臣左丞
相幽西亭瑾右丞相太師稽堅各戴貂蟬冠火裙朱服紫
綬金章象簡玉帶龍床兩邊金童玉女執簡捧珪龍車前
後左右兩邊簇擁護駕天兵大遼國主自按上界北極紫
微大帝總領鎮星左右二丞相按上界左輔右弼星君正

是一天星斗離乾位萬象森羅降世間有詩爲証

旗旛鎧甲與刀鎗

正按中央土德黃

天意豈能人

力勝

枉將生命苦相戕

此等處不可勝

那遼國番軍擺列天陣已定正如雞卵之形屯扎定時團
團似覆盆之狀旗排四角鎗擺八方循環無定進退有則
擺下陣勢再說宋江便教強弓硬弩射住陣腳壓陣輕騎
就中軍豎起雲梯將臺引吳用朱武上臺觀望宋江看了
驚訝不已吳用看了也不識的朱武看了認的是天陣便
對宋江吳用道此乃是太乙混天像陣也宋江問道如何
攻擊朱武道此天陣變化無窮交加莫測不可造次攻打
宋江道若不打得開陣勢如何得他軍退吳用道急切不

知他陣內虛實如何便去打的正商議間兀顏統軍在中軍傳令今日屬金可差亢金龍張起牛金牛薛雄婁金狗阿里義鬼金羊王景四將跟隨太白金星番將烏利可安離陣攻打宋兵宋江衆將在陣前望見對陣右軍七門或開或閉軍中雷響陣勢團團那引軍旗在陣內自東轉北北轉西西投南朱武見了在馬上道此乃是天盤左旋之象今日屬金天盤左動必有兵來說猶未了五砲齊響早見對陣湧出軍來中是金星四下是四宿引動五旗軍馬捲殺過來勢如山倒力不可當宋江軍馬措手不及望後急退大隊壓住陣腳遼兵兩面夾攻宋軍大敗急忙退兵回到本寨遼兵也不來追趕點視軍中頭領孔亮傷刀李

雲中箭朱富着砲石勇着鎗中傷軍卒不計其數隨即發
付上車去後寨令安道全醫治宋江教前軍下了鉄蒺藜
深栽鹿角堅守寨門宋江在中軍納悶與盧俊義等商議
今日折了一陣如之奈何再若不出交戰必來攻打盧俊
義道來日着兩路軍馬撞住他那壓陣軍兵再調兩路軍
馬撞那廝正北七門却教步軍從中間打將入去且看裡
面虛實如何宋江道也是次日便依盧俊義之言收拾起
寨前至陣前催催大開寨門引兵前進遙望遼兵不遠六
隊壓陣遼兵遠探將來宋江便差關勝在左呼延灼在右
引本部軍馬撞退壓陣遼兵大隊前進與遼兵相接宋江
再差花榮秦明董平楊志在左林冲徐寧索超朱仝在右

兩隊軍兵來撞皂旗七門果然撞開皂旗陣勢殺敗皂旗人馬正北七座旗門隊伍不整宋江陣中却轉過李逵樊瑞鮑旭項充李袞五百牌手向前背後魯智深武松楊雄石秀解珍解寶將帶應有步軍頭目撞殺入去混天陣內只聽四面砲響東西兩軍正面黃旗軍撞殺將來宋江軍馬抵當不住轉身便走後面駕隔不定大敗遶走退回原寨急點軍時折其大半社遷宋萬又帶重傷於內不見了黑旋風李逵原來李逵殺的性起只顧砍入他陣裡去被他一鈎搭住活捉去了宋江在寨中聽的心中納悶傳令教先送社遷宋萬去後寨令安道全調治帶傷馬匹叫牽去與皇甫端料理宋江又與吳用等商議今日又折了李

達輸了這一陣似此怎生奈何吳用道前日我這里活捉
的他那箇小將軍是兀顏統軍的孩兒正好與他打換宋
江道這番換了後來倘若折將何以解救吳用道兄長何
故執迷且顧眼下說猶未了宋小校來報有遼將遣使到來
打話宋江喚入中軍那番官來與宋江廝見說道俺奉元
帥將令今日拿得你的一箇頭目到俺總兵面前不肯殺
害好生與他酒肉管待在那里統軍要送來與你換他孩
兒小將軍還他如是將軍肯時便送那箇頭目來還宋江
道既是恁地俺明日取小將軍來到陣前兩相交換番官
領了宋江言語上馬去了有詩爲証

宋江前日擒王子 番將今朝捉李達 此是乾坤消

息理 不須惆悵苦生悲

宋江再與吳用商議道我等無計破他陣勢不若取將小將軍來就這里解和這陣兩邊各自罷戰吳用道且將軍馬暫歇別生良策再來破敵未爲晚矣到晚差人星夜去取兀顏小將軍來也差箇人直往兀顏統軍處說知就里且說兀顏統軍正在帳中坐地小軍來報宋先鋒使人來打話統軍傳令教喚入來到帳前見了兀顏統軍說道俺的宋先鋒拜意統軍麾下今送小將軍回來換俺這箇頭目卽今天氣嚴寒軍士勞苦兩邊權且罷戰待來春別作商議俱免人馬凍傷請統軍將今兀顏統軍聽了大喝道無智辱子被汝生擒縱使得活有何面目見咱不用相換

便拿下替俺斬了。若要罷戰，權歇教你宋江束首來降。免汝一死。若不如，此吾引大兵一到，寸草不留。大喝一聲，退去。使者飛馬回寨報復。將這話訴與宋江。宋江慌速，只怕救不得李逵。拔寨便起，帶了兀顏小將軍直抵前軍。隔陣大叫：「可放過俺的頭目來。」我還你小將軍。不罷戰不妨。自與你對陣。廝殺只見遼兵陣中無移時，把李逵一騎馬送出陣前來。這里也牽一疋馬送兀顏小將軍出陣去。兩家如此一言，爲定兩邊一齊同收。同放李將軍回寨。小將軍也騎馬過去了。當日兩邊都不廝殺。宋江退兵回寨。且與李逵賀喜。宋江在帳中與諸將商議道：「遼兵勢大，無計可破。使我憂煎度日。如年怎生奈何？」呼延灼道：「我等來日可

分十隊軍馬兩路去當壓陣軍兵八路一齊撞擊決此一戰宋江道全靠你等衆弟兄同心協力來日必行吳用道兩番撞擊不動不如守等他來交戰宋江道等他來也不是良法只是衆弟兄當以力敵豈有連敗之理當日傳令次早拔寨起軍分作十隊飛槍前去兩路先截住後背壓陣軍兵八路軍馬更不打話納喊搖旗撞入混天陣去聽的裡面雷聲高舉四七二十八門一齊分開變作一字長蛇之陣便殺出來宋江軍馬措手不及急令回軍大敗而走旗鎗不整金鼓偏斜速退回到得本寨於路損折軍馬數多宋江傳令教軍將緊守山口寨柵深掘濠塹牢栽鹿角堅閉不出且過冬寒却說副樞密趙安撫累次申達

文書赴京奏請索取衣襖等件因此朝廷特差御前八十萬禁軍鎗棒教頭正受鄭州團練使姓王雙名文斌此人文武雙全智勇足備將帶京師一萬餘人起差民夫車輛押運衣襖五十萬領前赴宋先鋒軍前交割就行催併軍將向前交戰早奏凱歌毋得違慢取罪不便王文斌領了聖旨文書將帶隨行軍器拴束衣甲鞍馬催僮人夫軍馬起運車仗出東京望陳橋驛進發監押着一二百輛車子上插黃旗書御賜衣襖迤邐前進經過去處自有官司供給口糧在路非則一日來到邊庭參見了趙樞密呈上中書省公文趙安撫看了大喜道將軍來的正好目今宋先鋒被大遼兀顏統軍把兵馬擺成混天陣勢連輸了數陣

頭目人等中傷者多見今發在此間將養令安道全醫治
宋先鋒扎寨在永清縣地方並不敢出戰好生納悶王文
斌稟道朝廷因此就差某來催併軍士前向早要取勝今
日既然累敗王某回京師見省院官難以回奏聖上文斌
不才自幼頗讀兵書畧曉些陣法就到軍前畧施小策愿
決一陣與宋先鋒分憂未知樞相鈞命若何趙樞密大喜
致酒宴賞就軍中犒勞押車人夫就教王文斌轉運衣襖
解付宋江軍前給散趙安撫先使人報知宋先鋒去了有
詩爲証

文斌天使解衣裝 共仰才名世少雙 自逞英雄衝
大陣 遼兵不日便歸降

且說宋江在中軍帳中納悶間知趙樞密使人來轉報東京差教頭鄭州團練使王文斌押送衣襖五十萬領就來軍前催併用功宋江差人接至寨中下馬請入帳內把酒接風數盃酒後詢問緣由宋江道宋某自蒙朝廷差遣到邊上托天子洪福齊天得了四箇大郡今到幽州不想被大遼兀顏統軍設此混天象陣屯兵二十萬整整齊齊按周天星象請啓大遼國主御駕親征宋江連敗數陣堅守不出無計可施屯駐不敢輕動今幸得將軍降臨願賜指教王文斌道量這箇混天陣何足爲奇王某不才同到軍前一觀別有主見宋江大喜先令裴宣且將衣襖給散軍將衆人穿罷望南謝恩口呼萬歲當日中軍置酒殷勤管

待就行賞勞三軍來日結策五軍都起王文斌取過帶來的頭盔衣甲全副披掛上馬都到陣前對陣遼兵望見宋兵出戰報入中軍金鼓齊鳴喊聲大舉六隊戰馬哨出陣來宋江分兵殺退王文斌上將臺親自看一回下雲梯來說道這箇陣勢也只如常不見有甚驚人之處不想王文斌自己如人不識且圖詐人要譽便叫前軍搥鼓搥戰對陣番軍也搥鼓鳴金宋江立馬大喝道不要狐朋狗黨敢出來挑戰麼說猶未了黑旗隊裡第四座門內飛出一將那番官披頭散髮黃羅抹額襯着金纏烏油鎧甲禿袖皂袍騎疋烏騅馬挺三尖刀直臨陣前背後牙將不記其數引軍皂旗上書銀字大將曲利出清躍馬陣前搥戰王文斌諄

去要
得
好

思道我不就這里顯揚本事再於何處施逞便挺鎗躍馬
出陣與番官更不打話驟馬相交王文斌使鎗便搦番將
舞刀來迎聞不到二十餘合番將回身便走王文斌見了
便驟馬飛鎗直趕將去原來番將不輪特地要賣箇破綻
漏他來趕番將輪起單刀覷着王文斌較視翻身背砍一
刀把王文斌連肩和胸脯砍做兩段死於馬下宋江見了
急叫收軍那遼兵撞掩過來又折了一陣慌慌忙忙收拾
還寨衆多軍將看見立馬斬了王文斌都面面厮覷俱各
駭然宋江回到寨中動紙文書申覆趙樞密說王文斌自
願出戰身死發付帶來人伴回京趙樞密聽知此事展轉
憂悶甚是煩惱只得寫了申呈奏本關會省院打發來的

人伴回京去了有詩爲証

趙括徒能讀父書 文斌詭計又何愚 輕生容易論

兵策 無怪須臾喪厥軀

且說宋江自在寨中納悶百般尋思無計可施怎生破的
遼兵寢食俱廢夢寐不安坐卧憂煎是夜嚴冬天氣甚冷
宋江閉上帳房秉燭沉吟悶坐時已二鼓神思困倦和衣
隱几而卧覺道寨中狂風忽起冷氣侵人宋江起身見一
青衣女童向前打箇稽首宋江便問童子自何而來童子
荅曰小童奉娘娘法旨有請將軍便煩移步宋江道娘娘
見在何處童子指道離此間不遠宋江遂隨童子出的帳
房但見上下天光一色金碧交加香風細細瑞靄飄飄有

如二三月間天氣行不過三二里多路見座大林青松茂
盛翠栢森然紫桂亭亭石欄隱隱兩邊都是茂林修竹垂
柳夭桃曲折闌干轉過石橋朱紅櫺星門一座仰觀四面
蕭牆粉壁畫棟雕梁金釘朱戶碧瓦重簷四邊簾捲蝦鬚
正面窓橫龜背女童引宋江從左廊下而進到東向一箇
閣子前推開朱戶教宋江裡面少坐舉目望時四面雲窓
寂靜霞彩滿堦天花繽紛異香繚繞童子進去復又出來
傳旨道娘娘有請星主便行宋江坐未煖席卽時起身又
見外面兩箇仙女入來頭戴芙蓉碧玉冠身穿金縷絳綃
衣面如滿月體貌輕盈手似春筍與宋江施禮宋江不敢
仰視那兩箇仙女道將軍何故作謾娘娘更不便出請將

軍議論國家大事便請同行宋江唯然而行有詩爲証

蔡珠仙子碧霞衣 綽約姿容世亦稀 口奉九天玄

女命 夜深飛夢入靈扉

聽的殿上金鐘聲響玉磬音鳴青衣迎請宋江上殿二仙
女前進奉引宋江自東階而上行至珠簾之前宋江只聽
的簾內玎璫隱隱玉珮鏘鏘青衣請宋江入簾內跪在香
案之前舉目觀望殿上祥雲靄靄紫霧騰騰正面九龍床
上坐着九天玄女娘娘頭戴九龍飛鳳冠身穿七寶龍鳳
絳綃衣腰繫山河日月裙足穿雲霞珍珠履手執無瑕白
玉珪璋兩邊侍從女仙約有三二十箇玄女娘娘與宋江
曰吾傳天書與汝不覺又早數年矣汝能忠義堅守未嘗

少怠今宋天子令汝破遼勝負如何宋江俯伏在地拜奏
曰臣自得蒙娘娘賜與天書未嘗輕慢泄漏於人今奉天
子勅命破遼不期被兀顏統軍設此混天象陣累敗數次
臣無計可施得破天陣正在危急存亡之際玄女娘娘曰
汝知混天象陣法否宋江再拜奏道臣乃下土愚人不曉
其法望乞娘娘賜教玄女娘娘曰此陣之法聚陽象也只
此攻打永不能破若欲要破須取相生相尅之理且如前
面皂旗軍馬內設水星按上界北方五炁辰星你宋兵中
可選大將七員黃旗黃甲黃衣黃馬撞破遼兵皂旗七門
續後命猛將一員身披黃袍直取水星此乃土尅水之義
也却以白袍軍馬選將八員打透大遼左邊青旗軍陣此

乃金尅木之義也却以紅袍軍馬選將八員打透大遼右邊白旗軍陣此乃火尅金之義也却以皂旗軍馬選將八員打透大遼後軍紅旗軍陣此乃水尅火之義也却命一枝青旗軍馬選將九員直取中央黃旗軍陣主將此乃木尅土之義也再選兩枝軍馬命一枝綉旗花袍軍馬扮作羅喉獨破遼兵太陽軍陣命一枝素旗銀甲軍馬扮作計都直破遼兵太陰軍陣再造二十四部雷車按二十四氣上放火石火炮直推入遼兵中軍令公孫勝布起風雷天罡正法逕遶入大遼國主駕前可行此計足取全勝日間不可行兵湏是夜黑可進汝當親自領兵掌握中軍催動人馬一鼓而可成功吾之所言汝當秘受保國安民勿生

退悔天凡有限從此永別他日瓊樓金闕別當重會汝宜
速還不可久留特命青衣獻茶宋江吃罷令青衣卽送星
主還寨有詩爲証

玉女虛無忽下來 嚴祠特請叙高懷 當時傳得幽
玄秘 遼陣堂堂頃刻開

宋江再拜懇謝娘娘出離殿庭青衣前引宋江下殿從西
階而出轉過檣星紅門再登舊路經過石橋松徑青衣用
手指道遼兵在那里汝當可破宋江回顧青衣用手一推
默然驚覺就帳中做了一夢靜聽軍中更鼓已打四更宋
江便叫請軍師圓夢吳用來到中軍帳內宋江道軍師有
計破混天陣否吳學究道未有良策可施宋江道我已夢

玄女娘娘傳與秘訣尋思定了特請軍師商議可以會集
諸將分撥行事盡此一。須用大將吳用道愿聞良策如
何破敵宋江言無數句話不一席有分教大遼國主拱手
歸降兀顏統軍死於非命正是動達天機施妙策擺開星
斗破迷關畢竟宋江用甚計策怎生打陣且聽下回分解

李卓吾曰。混天陣。竟同兒戲。至玄女娘娘相生相尅之
說。此三家村裡死學究見識施耐菴羅貫中儘是史筆
此等處便不成材矣。此其所以爲水說也。與。



宋公則
成功



李卓吾先生批評忠義水滸傳卷之八十九

第八十九回

宋公明破陣成功

宿太尉頒恩降詔

詩曰

陣列混天排劍戟 四圍八面惟雲生 分分曜宿當前現 朗朗明星直下橫
黃鉞白旄風內舞 朱幡皂蓋陣中行 若非玄女親傳法 遑塞焉能定太平
話說當下宋江夢中授得九天玄女之法不忘一句便請軍師吳用計議定了申覆趙樞密寨中合造雷車二十四部都用畫板鐵葉釘成下裝油柴上安火砲連更曉夜催併完成商議打陣會集諸將人馬宋江傳令各各分派

點按中央戊巳土黃袍軍馬戰大遼水星陣內差大將

員雙鎗將董平左右撞破皂旗軍七門差副將七員朱全
史進歐鵬鄧飛燕順馬麟穆春再點按西方庚辛金白袍
軍馬戰大遼木星陣內差大將一員豹子頭林冲左右撞
破青旗軍七門差副將七員徐寧穆弘黃信孫立楊春陳
達楊林再點按南方丙丁火紅袍軍馬戰大遼金星陣內
差大將一員霹靂火秦明左右撞破白旗軍七門差副將
七員劉唐雷橫單廷珪魏定國周通龔旺丁得孫再點按
北方壬癸水黑袍軍馬戰大遼火星陣內差大將一員雙
鞭呼延灼左右撞破紅旗軍七門差副將七員楊志索超
韓滔彭玘孔明鄒潤鄒潤再點按東方甲乙木青袍軍馬

戰大遼土星主將陣內差大將一員大刀關勝左右撞破
中軍黃旗主陣人馬差副將八員花榮張清李應柴進宣
贊郝思文施恩薛永再差一枝綉旗花袍軍打大遼太陽
左軍陣內差大將七員魯智深武松楊雄石秀焦挺湯隆
蔡福再差一枝素袍銀甲軍打大遼太陰右軍陣中差大
將七員扈三娘顧大嫂孫二娘王英孫新張青蔡慶再差
打中軍一枝悍勇人馬直擒大遼國主差大將六員盧俊
義燕青呂方郭盛解珍解寶再遣護送雷車至中軍大將
五員李達樊瑞鮑旭項充李袞其餘水軍頭領并應有人
員盡到陣前協助破陣陣前還立五方旗幟八面分撥人
員仍排九宮八卦陣勢宋江傳令已罷衆將各各遵依一

面僨造雷車已了裝載法物推到陣前正是計就驚天地
謀成破鬼神有詩爲証

五行生尅本天成 化化生生自不停 玄女忽然傳
法象 兀顏機陣一時平

且說兀顏統軍連日見宋江不出交戰差遣壓陣軍馬直
哨到宋江寨前宋江連日製造完備選定日期是晚起身
來與遼兵相接一字兒擺開陣勢前面盡把強弓硬弩射
住陣脚只待天色傍晚黃昏左側只見朔風凜凜彤雲密
布罩合天地未晚先黑宋江教衆軍人等斷蘆爲笛銜於
口中唢哨爲號當夜先分出四路兵去只留黃袍軍擺在
陣前這分出四路軍馬趕殺大遼哨路番軍繞陣脚而走

殺投北去初更左側宋江軍中連珠砲響呼延灼打開陣
門殺入後軍直取火星關勝隨即殺入中軍直取土星主
將林冲引軍殺入左軍陣內直取木星秦明領軍撞入右
軍陣內直取金星董平便調軍攻打頭陣直取水星公孫
勝在陣中仗劍作法踏罡布斗杓起五雷是夜南風大作
吹的樹稍垂地走石飛沙雷公閃電一齊點起二十四部
雷車李達樊瑞鮑旭項充李袞將引五百牌手悍勇軍兵
護送雷車推入大遼軍陣一丈青扈三娘引兵便打入遼
兵太陰陣中花和尚魯智深引兵便打入遼兵太陽陣中
玉麒麟盧俊義引領一枝軍馬隨着雷車直進中軍你我
自去尋隊廝殺是夜雷車火起空中霹靂交加殺氣滿天

走石飛沙端的是殺得星移斗轉日月無光鬼哭神號人
兵掩亂且說兀顏統軍正在中軍遣將只聽得四下里喊
聲大振四面廝殺急上馬時雷車已到中軍烈焰漲天砲
聲震地關勝一枝軍馬早到帳前兀顏統軍急取方天畫
戟與關勝大戰怎禁沒羽箭張青取石子望空中亂打打
的四邊牙將中傷者多逃命散走李應柴進宣贊郝思文
縱馬橫刀亂殺軍將兀顏統軍見身畔沒了羽翼撥回馬
望北而走關勝飛馬緊追正是饒君走上談摩天脚下騰
雲須赶上花榮在背後見兀顏統軍輸了一騎馬也追將
來急拈弓搭箭望兀顏統軍射將去那箭正中兀顏統軍
後心聽地錚地一聲火光迸散正射在護心鏡上却待再

此形
象得
婦

射關勝赶上提起青龍刀當頭便砍那兀顏統軍披着三
重鎧甲貼裡一層連環鎖鉄鎧中間一重海獸皮甲外面
方是鎖子黃金甲關勝那一刀砍過只透的兩層再復一
刀兀顏統軍就刀影裡閃過勒馬挺方天戟來迎兩箇又
開到三五合花榮赶上覷兀顏統軍面門又放一箭兀顏
統軍急躲那枝箭帶耳根穿住鳳翅金冠兀顏統軍急走
張清飛馬赶上拈起石子望頭臉上便打石子飛去打
兀顏統軍撲在馬上拖着畫戟而走關勝赶上再復一刀
那青龍刀落處把兀顏統軍連腰截骨帶頭砍着攔下馬
去花榮搶到先換了那匹好馬張青趕來再復一鎗可憐
兀顏統軍一世豪傑一柄刀一條鎗結果了性命堪嘆還

國英雄化作南柯一夢有詩爲証

李靖六花人亦識 孔明八卦世應知 混天只想無人敵 也有神機打破時

却說魯智深引着武松等六員頭領衆將納聲喊殺入遼兵太陽陣內那耶律得重急待要走被武松一戒刀掠斷馬頭倒撞下馬來揪住頭髮一刀取了首級兩箇孩兒逃命走了殺散太陽陣勢魯智深道俺們再去中軍拿了大遼國主便是了事也且說遼兵太陽陣中天壽公主聽得四邊喊起廝殺慌忙整頓軍器上馬引女兵伺候只見一丈青舞起雙刀縱馬引着顧大嫂等六員頭領殺入帳來正與天壽公主交鋒兩箇閒無數合一丈青放開雙刀搶

入公主懷內。臣胸挾住兩箇在馬上。紐做一團。絞做一塊。
王矮虎赶上。活捉了天壽公主。顧大嫂孫二娘在陣裏殺
散女兵。孫新張青蔡慶在外面夾攻。可憐金枝玉葉如花
女。却作歸降被縛人。且說盧俊義引兵殺到中軍解珍解
寶。先把帥字旗砍翻。亂殺番官番將。當有護駕大臣與衆
多。牙將緊護大遼國主。駕往北而走。送入幽州陣內。羅
喉月亭二皇侄俱被刺死於馬下。計都皇侄就馬上活拿
了紫炁皇侄。不知去向。大兵重重圍住。直殺到四更方息。
殺的遼兵二十餘萬。不留一箇將及天明。諸將都回宋江
鳴金收軍。下寨傳令。教生擒活捉之衆。各自獻功。一丈青
獻太陰星。天壽公主盧俊義獻計。都星皇侄耶律得華朱

全獻水星曲利出清歐鵬鄧飛馬麟獻斗木獬蕭大和楊
林陳達獻心月狐裴直單廷珪魏定國獻胃土雉高彪韓
滔彭玘獻柳土獐雷春翼火蛇狄聖諸將獻首級不計其
數宋江將生擒八將盡行解赴趙樞密中軍收禁所得馬
疋就行俵撥各將騎坐且說大遼國主慌速退入幽州行
宮歇下急傳聖旨堅閉四門緊守城池不出對敵宋江知
得大遼國主退在幽州便教軍馬把幽州團團圍住令人
請趙樞密直至後營監臨打城宋江傳令教就幽州城下
團團豎起雲梯砲石扎下寨柵准備打城遼國郎主心慌
會集群臣商議都道事在危急莫若歸降大宋此爲上計
大遼郎主遂從衆議於是城上早豎起降旗差人來宋營

求告年年進牛馬歲歲獻珠珍再不敢侵犯中國宋江引
看來人直到後營拜見趙樞密通說投降一節年年進貢
歲歲來朝趙樞密聽了道此乃國家大事投降之事須用
取自上裁我未敢擅便主張你遼國有心投降可差的當
大臣親赴東京朝見天子聖旨准你遼國叛降表文降詔
赦罪方敢退兵罷戰趙樞密回了這話來人便回幽州回
復郎主奏知此事當下國主聚集文武百官商議此事時
有右丞相太師褚堅出班奏曰目今郎主兵微將寡人馬
皆無如何迎敵在於危急之際論臣愚意可多把金帛賄
賂以結人心微臣親往宋先鋒寨內重許厚禮一面令其
住兵停戰免的攻城一面收拾禮物運往東京投買省院

諸官令其於天子之前善言啓奏。別作宛轉。目今中國蔡京童貫高俅楊戩四箇賊臣專權。童子皇帝聽他。四箇主。張可把金帛賄賂與此四人。買其講和必降。詔赦收兵。罷戰。即主准奏。次日丞相褚堅出幽州城來。直到宋先鋒寨。中宋江接至帳上。便問丞相來意。何如。褚堅先說了國主投降一事。然後許宋先鋒金帛玩好之物。宋江聽了。說與丞相褚堅。道俺連日攻城不愁。打你這箇城池不破。一發斬草除根。免了萌芽再發。看見你城上豎起降旗。以此停兵罷戰。兩國交鋒。自古國家有投降之理。准你投拜納降。因此按兵不動。容汝赴朝廷請罪。獻納汝今以賄賂相許。覩宋江爲何等之人。再勿復言。褚堅惶恐。宋江又道丞相。

忠孝堂
明倫堂
讀書堂

容汝上國朝京取自上裁俺等按兵不動待汝速去快來
汝勿遲滯褚堅拜謝了宋先鋒作別出寨上馬回幽州城
來直至行宮奏知國主衆大臣商議已定次日遼國君臣
收拾玩好之物金銀寶貝綵繒珍珠裝載上車差丞相褚
堅并同番官一十五員前往京師鞍馬三十餘騎修下請
罪表章一道離了幽州到宋江寨內參見了宋江宋江引
褚堅來見趙樞密說知此事遼國今差丞相褚堅親往京
師朝見告罪投降趙樞密留住褚堅以禮相待自來與宋
先鋒商議亦動文書申達天子就差柴進蕭讓賁奏就帶
行軍公文關會省院一同相伴丞相褚堅前往東京於路
無話有詩爲証

戰罷遼兵不自由 便將降表上皇州 謙恭已不朝

宗義 螻蟻真貽敗國羞 剝水殘山秋漠漠 荒城

破郭月悠悠 金珠滿載爲忱質 水滸英雄志已酬

在路不止一日早到京師便將十車進奉金寶禮物車仗人馬於館驛內安下柴進蕭讓賞棒行軍公文先去省院下了稟說道卽日兵馬圍困幽州旦夕可破遼國郎王於城上豎起降旗今遣丞相褚堅前來上表請罪納降告赦罷兵未敢自專來請聖旨省院官說道你且與他館驛內權時安歇待俺這里從長計議此時蔡京童貫高俅楊戩并省院大小官僚都是好利之徒却說大遼丞相褚堅并衆人先尋門路見了太師蔡京等四箇大臣次後省院各

官處都有賄賂各各先以門路餽送禮物諸官已了次日
早朝大宋天子陞殿百官朝賀拜舞已畢樞密使童貫出
班奏曰有先鋒使宋江殺退遼兵直至幽州臨敵圍住城
池攻擊旦夕可破今有大遼國主早豎降旗情愿投拜遣
使丞相褚堅奉表稱臣納降請罪告赦講和求赦退兵罷
戰情愿年年進奉不敢有違臣等省院不敢自專伏乞聖
鑑天子曰似此講和休兵罷戰仍存本國汝等衆卿如何
計議傍有太師蔡京出班奏曰臣等衆官俱各計議自古
及今四夷未嘗盡滅臣等愚意可存遼國作北方之屏障
堪爲唇齒之邦年年進納歲幣於國有益合准投降請罪
休兵罷戰詔回軍馬以護京師臣等未敢擅便乞陛下聖

四語實
是罵蔡
京等衆
人

鑑天子准奏傳聖旨令遼國來使面君當有殿頭官令
宣褚堅等一行來使都到金殿之下揚塵拜舞頓首山呼
侍臣呈上表章就御案上展開宣表學士高聲讀道

大遼國主臣耶律輝頓首頓首百拜上言

臣生居朔漠長在蕃邦不通聖賢之大經罔究綱常之
大禮詐文僞武左右多狼心狗行之徒好賂貪財前後
悉鼠目獐頭之輩小臣昏昧屯衆猖狂侵犯疆封以致
天兵而討罪妄驅士馬動勞王室以興師量螻蟻安足
以撼泰山想衆水必然歸于大海念臣等雖守數座之
荒城應無半年之積蓄今特遣使臣褚堅冒干天威納
上請罪倘蒙聖上憐憫最爾之微生不廢祖宗之遺業

是以銘心刻骨瀝膽披肝永爲戎狄之番邦實作天朝
之屏翰老老幼幼真獲再生子子孫孫久遠感戴進納
歲幣誓不敢違臣等不勝戰慄屏營之至誠惶誠恐稽
首頓首謹上表以聞

宣和四年冬月 日大遼國主臣耶律輝表

徽宗天子御覽表文已畢塔下群臣稱善天子命取御酒
以賜來使丞相褚堅等便取金帛歲幣進在朝前天子命
寶藏庫收訖仍另納下每年歲幣牛馬等物天子回賜段
正表裡光祿寺賜宴勅令丞相褚堅等先回待寮人差官
自來降詔褚堅等謝恩拜辭天子出朝且歸館驛是日朝
散褚堅又令人再於各官門下重打關節蔡京力計承

相自回都在我等四人身上褚堅謝了太師自回遼去了却說蔡太師次日引百官入朝啓奏降詔回下遼國天子准奏急勅翰林學士草詔一道就御前便差太尉宿元景賁擎丹詔直往遼國開讀另勅趙樞密令宋先鋒收兵罷戰班師回京將應有被擒之人釋放還國原奪城池仍舊給還管領府庫器具交割遼邦歸管天子朝退百官皆散次日省院諸官都到宿太尉府約日送行再說宿太尉領了詔勅不敢久停君命准備轎馬從人辭了天子別了省院諸官就同柴進蕭讓同上遼邦出京師望陳橋驛投邊塞進發在路行時正值嚴冬之月四野彤雲密布分揚雪墜平鋪粉塑千林銀裝萬里宿太尉一行人馬冒雪攢

風迤邐前進正是雲橫秦嶺家何在雪擁藍關馬不前有
詩爲証

太尉承宣不敢停 遠賚恩詔到邊庭 皚皚積雪關
山路 卉服雕題迂使星

雪霽未消漸臨邊塞柴進蕭讓先使哨馬報知趙樞密前
去通報宋先鋒宋江見哨馬飛報便携酒禮引衆出五十
里伏道迎接接着宿太尉相見已畢把了接風酒各官俱
喜請至寨中設筵相待同議朝廷之事宿太尉言說省院
等官蔡京童貫高俅楊戩俱各受了遼國賄賂於天子前
極力保奏此事准其投降休兵罷戰詔回軍馬守備京師
宋江聽了嘆道非是宋某怨望朝廷功勳至此又成虛度

宿太尉道先鋒休憂元景回朝天子前必當重保趙福密
又道放省下官爲証怎肯教虛費了將軍大功宋江稟道
某等一百八人竭力報國並無異心亦無希恩望賜之念
只得衆弟兄同守勞苦實爲幸甚若得樞相肯做主張深
感厚德當日飲宴衆皆歡喜至晚席散隨卽差人一面報
知大遼國主准備接詔次日宋江撥十員大將護送宿太
尉進遼國頒詔都是錦袍金甲戎裝革帶那十員上將關
勝林冲秦明呼延灼花榮董平李應柴進呂方郭盛引領
馬步軍三千護持太尉前遮後擁擺布入城幽州百姓排
門香花燈燭大遼國主親引百官文武具服乘馬出南門
迎接詔旨直至行宮金鑾殿上十員大將立於左右宿太

尉立于龍亭之左國主同百官跪于殿前殿頭官鳴拜國
主同文武拜罷遼國侍郎承恩請詔就殿上開讀詔曰
大宋皇帝制曰三王立位五帝殫宗無君子莫治野人
無野人莫養君子雖中華而有主焉夷狄豈無君茲爾
遼國不遵天命數犯疆封理合一鼓而滅朕今覽其情
詞憐其哀切憫汝卑孤不忍加誅仍存其國詔書至日
卽將軍前所擒之將盡數釋放還國原奪一應城池仍
舊給還遼國管領所供歲幣慎勿怠忽於戲敬事大國
祇畏天地此藩翰之職也爾其欽哉故茲詔示想宜知
悉

宣和四年冬月

日

當時遼國侍郎開讀詔旨已罷郎主與百官再拜謝恩行君臣禮畢擡過詔書龍案郎主便與宿太尉相見叙禮已畢請入後殿大設華筵水陸俱備番官進酒戎將傳盃歌舞滿筵胡笳聒耳燕姬美女各奏戎樂羯鼓頌篳胡旋慢舞筵宴已終送宿太尉并衆將於館驛內安歇是日跟去人員都有賞勞次日國主命丞相褚堅出城至寨邀請趙樞密宋先鋒同入幽州赴宴宋江便與軍師吳用計議不行只請的趙樞密入城相陪宿太尉飲晏是日遼國郎主大張筵席管待朝使葡萄酒熟傾銀瓮黃羊肉美滷金盤異果堆筵奇花散彩筵席將終只見國主金盤捧出玩好之物上獻宿太尉趙樞密直飲至更深方散第三日大遼

國主會集文武群臣。番戎鼓樂送太尉樞密出城。還寨。再命丞相褚堅將牛羊馬疋金銀綵段等項禮物。直至宋先鋒軍前寨內。大設廣會。犒勞三軍。重賞衆將。宋江傳令。教取天壽公主一千人口。放回本國。仍將奪過檀州薊州霸州幽州。依舊給還大遼管領。一面先送宿太尉還京。次後收拾諸將軍兵車仗人馬。分撥人員。先發中軍軍馬護送。趙樞密起行。宋先鋒寨內自己設宴。一面賞勞水軍頭目。已了。着令乘駕船隻。從水路先回東京。駐扎聽調。宋江再使人入幽州。請出左右二丞相。前赴軍中。說話當下。遼國郎主教左丞相幽西李瑾。右丞相太師褚堅來至。宋先鋒行營。至於中軍相見。宋江邀請上帳。分賓而坐。宋江開話。

也。要如
此。不。然
前。令
大。堅。就
法。用。了

道僉武將兵臨城下將至壕邊奇功在邇本不容汝投降
打破城池盡皆勦滅正當其理主帥聽從容汝申達朝廷
皇上憐憫存惻隱之心不肯盡情追殺如此容汝投降納
表請罪今獲大全吾待朝京汝等勿以宋江等輩不能勝
爾休生反復年年進貢不可有缺吾今班師還國汝宜謹
慎自守休得故犯天兵再至決無輕恕二丞相叩首伏罪
拜謝宋江再用好言戒諭二丞相懇謝而去宋江卽撥一
隊軍兵與女將一丈青等先行隨卽喚令隨軍石匠採石
爲碑令蕭讓作文以記其事金大堅鐫石已畢豎立在永
清縣東一十五里茅山之下至今古跡尚存有詩爲証

僞遼歸順已知天 納幣稱臣自歲年 勒石鐫銘表

功蹟 顏旗銅柱及燕然

宋江却將軍馬分作五起連發。尅日起行。只見魯智深忽到帳前。合掌作禮。對宋江道。小僧自從打死了鎮關西。逃走到代州。鴈門縣。趙員外送酒家。上五臺山。投禮智真長老。落髮爲僧。不想醉後。兩番開了禪門。有亂清規。師父送俺來東京大相國寺。投托智清禪師。討箇執事僧。做相國寺裡看酒家。看守菜園。爲救林冲。被高太尉要害。因此落草。得遇哥哥。隨從多時。已經數載。思念本師。一向不曾參禮。酒家常想師父。說俺雖是殺人放火的性。久後却得正果。真身今日太平無事。兄弟權時告假數日。欲往五臺山參禮本師。就將平昔所得金帛之資。都做布施。再求問師。

父前程如何哥哥軍馬只顧前行小第隨後便趕來也宋江聽罷愕然默上心來便道你既有這箇活佛羅漢在彼何不早說與俺等同去叅禮求問前程當時與衆人商議盡皆要去惟有公孫勝道教不行宋江再與軍師計議留下金大堅皇甫端蕭讓樂和四箇委同副先鋒盧俊義掌管軍馬陸續先行俺們只帶一千來人隨從衆弟兄跟着魯智深同去叅禮智真長老魯智深見宋江說要去叅禪便道願從哥哥同往宋江等衆當時離了軍前收拾名香綵帛表裡金銀上五臺山來正是暫弃金戈甲馬來遊方外叢林雨花臺畔來訪道德高僧善法堂前要見燃燈古佛直教一語打開名利路片言踢透死生關畢竟宋江與

魯智深怎地叅禪且聽下回分解

李和尚曰突出智真長老一事真是匪夷所思公孫勝道是自家道士不來相見和尚俗殺俗殺

李卓吾先生批評忠義水滸傳卷之八十九